




ESCUDO

Ya for di dia 15 di November 1955, e Gobierno di Aruba a aproba e Escudo di Aruba. E diseño di esaki a bin for di Hulanda. Un escudo di un Pueblo ta un simbolo cu ta refleha diferente aspectonan tipico di su Pueblo.

E significacion di nos Escudo ta:

1. Den e prome cuartel, e mata di aloe ta simbolo di prome fuente di bienestar di nos-pais.
2. Den e di dos cuartel, e cero di Hooiberg como parti di e entidad, ta simboliza e isla di Aruba cu ta surgi for di laman.
3. Den e di tres cuartel, dunamento di man ta simboliza lazonan amistoso cu otro nacionnan y pueblonan tanto den politico como economico cu Hulanda y otro islanan di Antiyas Hulandes.
4. Den e di cuatro cuartel, e rueda ta representa e industria com fuente di bida di mas importante di nos isla.
5. E cruz riba e Escudo ta simboliza Devocion y Fe.
6. E leon ta representa Forza y Generosidad.
7. E ramanan di Laurel ta simboliza Paz y Amistad.